



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Fasti Mariani**

**Brunner, Andreas  
Pfeffer, Wilhelm**

**Antverpiæ, 1663**

S. Paulus Conf. 7. Decemb.

**urn:nbn:de:hbz:466:1-41940**

Ita Imperatori quandoque Constantino  
conspectus iussit sententiam revocare,  
quam in tergeminos Tribunos innocen-  
tes tulerat. Ita institorem in somnis mo-  
nuit, frumentum, quod haberet, in ur-  
bem suam quam fames vexabat, conve-  
heret. Alias vocatus à navigantibus, sa-  
pius opem tulisse visus est. Quid? quod  
animum NICOLAI tumultus ejus est  
imitatus, oleum miseris propinans. Tu-  
mulus verò memoretur circa annum  
CCC. XXVI. cum moriturus Angelos  
obvios habuisset, etiam nobis occurso-  
ros, si rectam viam insistamus. Ex Iustit-  
nia. & Brev. Rom.

*Post memoriam Virginis singularis tam  
dulcis pietas, vel pia dulcedo in cordibus  
fidelium obversatur ut in die tribulationis  
nomen NICOLAI teneatur in ore, re-  
quiescat in corde. Si pulsamur incommo-  
dis, statim S. Confessoris nomen profili-  
os nostrum, NICOLAUS ingeminatur.  
S. Bern. ferm. de S. Nic.*

S. PAULUS CONF. 7. Decemb.

**PAULUM** parentes dixere, addidit  
deinde virtus Obsequentis cognomen,  
quod ille nec cum Alexandris aut Scipio-  
nibus nunc commutabit. Quid? quod  
cœnobio ipsi, quod habitabat, nomen  
miraculis ingens peperit; Nam illud  
quantum obedientiæ sive exemplum  
sive.



sive præmiũ fuit, cum picem in ahe-  
no bullientem à flammã, jam jamque  
exundantem nudo brachio, quoad sub-  
sideret, impunè versavit? Quod fa-  
ctum cum alii, ut par erat, laudibus ex-  
tollerent, convitiis alii deprimerent;  
perfitit tamen ille in statione suã, suo-  
opte iudicio terræ purgamentum & canis pi-  
gellus, cælo intereã omnia alia de ipso  
sentiente. Cum enim socii scire percu-  
perent, quo loco apud Superos P A U L U S  
esset, abrepti animo in felicissimos primi  
parentis hortos, P A U L U M illic inveni-  
erunt, qui munera (fructus miros) in sin-  
gulos dispertiret, simul vale omnibus di-  
ceret. Siquidem altero manè ad montem  
cœnobio contendit non procul Con-  
stantinopoli situm. Ad huius pedem  
cum annos aliquot habitasset, evoca-  
tus denique à D E O, velut alter Moy-  
ses, in culmen, inde facili transitu in  
cælum est. *Ex Menais.*

*Felix, quem in omni confabulatione  
duplex timor sollicitat, primum quidem  
divine Majestatis, in cuius manus in-  
cidere prorsus horrendum; dehinc frater-  
ne infirmitatis, cui nihilominus perfa-  
cile est offendiculum ponere. S. Bernard.  
serm. de tripl. custod.*

S. ASEL-